



14
1555
卷 196

昭和十九年四月十四日
歸來

履齋示兒編卷十三

廬陵鄉先生孫 奕季昭撰

正誤

齒牙

或疑昌黎去年落一牙今年落一齒爲煩文子案楊中立解誰謂鼠無牙曰牙牡齒也鼠無牡齒陸曰鼠有齒而無牙僖公五年云輔車相依脣亡齒寒杜曰輔頰輔車牙車史炤通鑑釋文晉穆帝九年輔車頰骨牙車也咸卦咸其輔頰

舌馬云輔上領也。虞作酺云耳目之間杜甫戲贈友云一朝被馬蹋脣裂板齒無又案洪氏韓子年譜云去年與崔羣玉云左車第二牙無故動搖脫去而齒落詩云去年落一牙則此詩今年作也乃知在頰爲牙當脣爲齒也昭昭矣。

皮革

羔羊詩曰羔羊之皮又曰羔羊之革毛曰革猶皮也初無區別孔曰說文謂獸皮治去其毛曰革對文則皮革異散文則皮革通鄭注掌皮曰

皮謂若虎豹熊羆有文章者革謂無文章者去毛而獻之王光遠曰未練治謂之皮已練治謂之革此一說也司裘曰大喪厥裘飾皮車謂革輅也去毛得稱皮有毛得稱革此又一說也然論語虎豹之鞶猶犬羊之鞶虎豹與犬羊別者並以毛文異耳乃知鞶卽革也案八音之中有革謂鼗鼓也則革已去毛無疑矣若夫帝王世紀曰黃帝殺夔以其皮爲鼓庸非毛氏所謂革猶皮也

饕餮

文八十八年縉雲氏有不才子貪于飲食冒于貨賄天下之民以比三凶謂之饕餮杜曰貪財爲饕貪食爲饕故孫仲益覲與詹及甫書曰晉侯被兵之後復用吏饕謂吏之貪財者也及觀北史明帝朝獲禿鷺於宮內遂養之崔光曰此卽詩有鷺在梁解云禿鷺貪戀之鳥野澤所育不應入于殿庭況饕餮之禽必藉魚肉菽麥稻梁之養豈可留意于醜形惡聲哉老杜鹿詩曰

衣冠兼盜賊饕餮用斯須趙彥林云言衣冠之人行如盜賊唯知饕餮而已故使人多害生物以充庖正在斯須之間焉則是崔杜以二字爲貪食之謂初無別也至東坡賦老饕又直以饕之一字爲貪食云山海經又以饕餮爲獸名則必貪慄之獸也

檠檻

東坡姪安節遠來夜坐三首前二首皆押燈檠韻末篇云大弨一弛何緣彀已覺翻翻不受檠

孫倬云楊子曰見弓之張兮弛而不失其良兮
曰何也曰檠之而已及攷楊子正文作檄其字
從手溫公音居影切復質諸周禮弓人注云至
冬膠堅內之檠中定往來體檠音景韻略三十
八梗作檄居影切所以正弓釋云蘇武能檄弓
弩雖竝從木皆非平聲東坡所押獨取楊涼注
荀子繁弱鉅黍古之良弓也然而不得排檄則
不能自正音巨京反然玉篇廣韻平上聲皆收
弓之檠但上聲注云檄出周禮亦作檄則

是不專主平聲之音

囊橐

公劉之詩曰于橐于囊毛曰小曰橐大曰囊孔
曰左傳稱趙盾見靈輒餓爲之簞食與肉寘諸
橐以與之橐惟盛食而已是其小也公羊傳稱
陳乞欲立公子陽生盛之巨橐橐內可以容人
是其大也說文曰無底曰橐有底曰橐董氏曰
無底曰橐有底曰囊唐韻曰橐無底橐二說不
同並存之

馬耳

東坡雪夜詩曰試埽北臺看馬耳未隨埋沒有
雙尖趙次公云馬耳山名竊謂天下之山至低
不下數丈而止於尋丈者少雪雖深埋沒山阜
未之有也趙指爲山果何所據殊不知雪夜王
晉之與霍辯對談雪盈尺王曰雪太深乎霍曰
看北臺馬耳菜何如左右曰有兩尖在坡蓋用
此何趙未嘗見是事而妄爲是說文弨案馬耳
書名馬耳自當作山名千巖俱縞卽是埋沒馬
耳之雙尖轟然露見卽是未隨埋沒孫公說詩

何其
同也

於菟

宣公四年楚人謂虎於菟於音烏前漢序傳楚
人謂虎於柙音烏塗今作於菟山谷題雙澗寺
云二水犇犇鳴屋除松林落日吼烏菟碑木作
鳥非也又詩曰王侯文采似於菟洪生人閒汗
血駒復用於字乃是

欸乃

人皆曰櫛郴州漁父詩欸乃二字本書爲欸乃

讀曰襖靄旣有山谷題浯溪碑可證又有元次
山集中箋音可質胡仔漁隱叢話乃謂洪駒父
詩話反其音爲靄襖者非柰何廣韻十五海欸
音於改反相然膺也謂之相然膺則正得一聲
山水綠之本意當從駒父欸音靄乃音襖爲正
故洪景廬尚書欸乃齋記云柳別本或併二字
爲襖音又別出一靄字非也

殷盤

初讀進學解周誥殷盤之語

觀案張衡東京賦
云論其遷邑易京

則同規乎殷盤二字本此頗疑盤庚是君名非訓誥誓命之
比至味六一先生聽琴詩有二典意淡薄三盤
語丁寧又復云然一再思之大甲益稷之屬篇
皆以名檀弓本魯人以其善于禮故亦著名知
泰伯衛靈公梁惠王亦載于語孟之篇首同此
一意馥案盤庚本名盤庚之誥

正鵠

周禮司裘王大射則供虎侯熊侯豹侯設其鵠
鄭注侯謂以虎熊豹麋之類飾其側又方制之

以爲韋音準謂之鵠著于侯中所謂皮侯梓人張皮侯而棲鵠詩云終日射侯不出正令射義云循聲而發發而不失正音征鵠者其爲賢者乎孔氏曰大射之侯其中制皮爲鵠賓射之侯其中采畫爲正正大如鵠皆居侯中三分之一其燕射則侯中畫爲獸其中射處皆二尺則以侯中所射之處爲正鵠也正與鵠皆禽名正鴟之省文也方言齊魯以題肩爲鴟月令征鳥厲疾鄭氏謂征鳥題肩也齊人謂之擊征或名曰鷹正

義曰征鳥鷹隼之屬也鵠卽漢高祖所謂鴟鵰高飛一舉千里雖有矰繳尚安敢施鴟健黠而難中鵠高遠而難中故射者取以爲質的焉非熊

六韜曰文王將田卜曰田於渭陽將大得焉非龍非鸞非虎非羆兆得公侯天遺汝師以之佐昌施及三王文王乃齋三日田於渭陽卒見太公坐茅以漁文王乃載以歸立爲師史記曰呂尚以漁釣奸周西伯西伯將獵卜之曰所獲非

龍非虯非虎非羆所獲伯王之師果遇太公於渭水之陽載而歸立爲師而沿襲皆作非熊用之巖有翼唯黃亦云世所傳本或作非熊非羆致使學者相承皆以非熊爲太公事何其謬歟及觀崔駰達旨詞曰或以漁父見兆於元龜注云西伯出獵卜之曰所獲非龍非虯非熊非羆所獲伯王之輔班固賓戲曰周望兆動於渭濱李善曰史記云太公望以漁釣奸周西伯將出占之曰所獲非龍非虎非羆非羆所謂伯王之

輔則謂之非熊蓋本於此不可謂之謬矣說案
以非熊名子○文招案杜詩亦有田獵夢非羆句然今史記實無非熊二字不知李善何所據而云

赦書弱水

本朝赦文必曰赦書日行五百里用昌黎蒼張徹詩赦行五百里蓋有自來矣又八月十五夜贈功曹云赦書一日行萬里罪從大辟皆除死信如後之說無乃太遠乎神仙傳謝自然泛海求蓬萊一道士曰蓬萊隔弱水三十萬里非飛

仙不可到東坡詩則曰蓬萊不可到弱水三萬
里信如蘇之說無乃太近乎

瘴癘地

杜甫夢李白詩曰江南瘴癘。客無消息舊
注引劉孝標流離大海之南寄命瘴癘之地謂
廣南也趙彥林乃引唐史白坐永王璘事詔長
流夜郎會赦還潯陽坐事下獄潯陽今之江州
屬江南東路今又屬子謂此指夜郎而言江南
非瘴鄉少陵號詩史必不妄言當是傳寫之誤

雷詩何以又曰南方瘴癘地罹此農事苦

引經誤

无妄六二曰不耕穠不菑畬則利有攸往而坊
記乃曰不畊穠不菑畬凶牧誓曰戎車三百兩
虎賁三千人而孟子乃曰革車三百兩虎賁三
千人矢其文德洽此四國宣王也禮記以爲太
王閒戎狄是膺荆舒是懲僖公也孟子以爲周
公滕文上致遠恐泥子夏之言也班固以爲出孔
子其進銳者其退速孟子之言也李固以爲出

老子孟子以孔子所謂生事之以禮死葬之以禮祭之以禮爲曾子唐史以曾子所謂以能問於不能以多問於寡爲孔子與有扈戰于甘野夏啓也劉向以爲夏禹說苑濟人於溱洧子產也劉向以爲景差說苑微子曰我舊云刻子論衡本性篇引之曰我舊云孩子立政曰以父我受民論衡明雋篇引之曰以友我愛民志祖案今本父我受民蓋論衡亦作以明人所改荀子堯問篇乃曰諸侯自爲得師者王得友者伯得疑者存自爲疑而莫已若者

亾與今仲虺之誥能自得師者王謂人莫已若者亾文意小異鹽鐵論文學所引孟子乃曰居今之朝不易其俗而成干乘之勢不能一朝居與今孟子由今之道無變今之俗雖與之天下不能一朝居文意大異

誤經意

孔子曰禹吾無閒然卽無瑕可指之義賈捐之泥于文而不明其意便謂禹入聖域而不優孔子曰爲命裨諴草創之卽非草野之義左丘明

亦泥于文而不達其意直謂裨謀於野襄十
文昭案論語記曾子臨沒之言其去孔子卒後七八十年論語始成謂丘明因讀論語致誤大是奇談

詩曰天命玄鳥降而生商史記則謂玄鳥墮卵簡狄吞之而生契詩曰履帝武敏歆攸戒攸止史記則謂巨迹在野姜原踐之而生稷得非讀詩之誤歟史記謂妻舜二女者豈非因堯典釐降二女而誤耶志祖舜二女又謂舜重瞳子者豈非因舜典明四目非誤案妻

而誤耶甚者有曰禹辛日娶妻甲日生子是泥王充豈深明于書者耶

意誤

光武卽位祝文曰上當天地之心地果可與天同稱上耶宋玉賦曰料天地之極高地果可與天同稱高耶唐高昌傳曰高昌兵如霜雪唐家兵如日月日月照霜雪幾何自殄滅謂日滅霜

雪可也謂月滅霜雪可乎昌黎詩曰潢潦無根源朝濁夕已除謂潢潦無源可也謂潢潦無根可乎文昭案潤之以風雨因雨兼風禹稷耕稼而有天下因禹兼稷行文豈可若是拘耶

○元照案大戴禮見才色脩聲不視聲亦可見言視亦此類也○馥案禹稷當平世三過其門而不入因禹兼稷禹稷躬稼而有天下是因禹兼稷躬稼是因稷兼禹有天下是因禹兼稷

事誤

前輩多引脫粟飯爲公孫宏事案晏子春秋晏嬰相齊嘗食脫粟水不食重味則是倡自晏平仲多引浮查爲張騫事案王子年拾遺記堯

時有巨查浮于西海查上有光若星月查浮四海十二年一周天名貫月查又名挂星查羽仙棲息其上則自是堯時文昭案張騫事在漢王子年是晉人所記謂必在前耶○志祖案拾遺所記是堯時事固在漢前但拾遺記多不足信

吳甘寧住止嘗以繪錦維舟去輒割棄以示奢侈則錦纜不始于煬帝韓詩外傳北郭先生妻曰結駟列騎所安不過容膝劉向列女傳楚於陵妻亦云則容膝之語非首出于淵明人言蘇武不拜單于考之范史乃是鄭眾選詩得魚腹

中書攷之史記乃是陳勝 謝靈運述祖德詩

有弦高犒晉師之語案呂氏春秋鄭賈人弦高實犒秦師也

文昭案文選弦高犒晉師下句爲仲連郤秦軍兩句豈可皆用秦字○元照案李善注引呂覽注暗國名也音晉今作晉字之誤讀此語自明日知錄云改爲晉以避下秦字舛而顧氏亦失檢

潘安仁西征賦有歲次玄枵

之語案安仁元康二年之長安歲在王子實困敦也

竝文選

人皆信退之諱辭稱杜度以杜恕

篤論求之乃知杜操字伯度

文昭案後漢實有杜度其人余外祖馮山公先生曾記出侯檢尋○志祖案後漢章帝時齊相杜度見晉書衛恒傳山公解春集有

杜度議○馥案東漢杜操字伯度及魏代避諱易爲杜度至晉人猶因之非別有杜度其人也

泗州大聖傳云和尚何國人也又謂莫知所

從來云不知何國人也以隋書西域傳觀之乃

有何國 觀後漢禮儀志上陵議狀注苟先帝

有瓜葛之屬男女畢會不可以瓜葛爲王導弈棋事 觀劉禹錫贈進士張盥詩云憶爾懸弧

日余爲坐上賓舉筋食湯餅祝詞天麒麟不可

專以湯餅爲明皇王后事

文昭案劉禹錫與唐明皇年代相近未定孰先孰後○元照案禹錫與韓柳同時恐不逮事明皇矣○志祖案劉禹錫在明皇後

觀高朕漢末爲蜀郡守興設學校修周公禮樂
殷邦人立石室祠之在文翁石室旁則興蜀之
學不特文翁一人也

詳見范鎮東齋記事

觀前漢淮南

王欽傳迺幸左顧存恤師古曰左顧猶言枉顧

則左顧之事不當指爲毛寶也

文弨案毛寶之與枉顧之義不倫○鯤案龜左顧是孔愉事非毛寶晉書愷嘗行經餘不溪買籠龜放之溪中

龜中流左顧者數四及封餘不亭侯而印龜左顧三鑄如初印工以告愷乃悟遂佩焉

觀述異記石室山晉時王質伐木至見數童子棋與質一物如棗核含之不覺飢視斧柯爛盡

既歸無復時人則爛柯之事非弈棋也

文弨案王質亦言童子慕

何謂非

履齋示兒編卷十三

示兒編卷十三

函知不足齋叢書

履齋示兒編卷十四

盧陵 禮津孫 奕季昭撰

雜記

無恙多能果然率然

人皆知無恙爲無憂而不知爲蟲名人皆知多能爲多材而不知爲獸名按史記外戚世家云呂氏夷戚氏誅趙王而高祖後宮獨無寵疎遠者得無恙索隱曰爾雅云恙憂也一說古者野居露宿恙噬人蟲也故人相恤云得無恙乎又

按漢高紀云吾非敢自愛恐能薄師古曰能謂材也能本獸名形似熊足似鹿爲物堅中而強力故人之有賢材者皆謂之能然則以無恙配多能尤爲的對又有獸名果然出國史補揚州人取果然得一果然則數十果然可得蓋果然不忍傷其類聚族而啼殺之不去也此禽獸而人心薄俗有不如者果然大類猩猩蛇名率然出山海經常山有巨蛇物觸之中首則尾至中尾則首至中腰則首尾俱至名曰率然孫子兵

法曰將之三軍勢如率然者此也

地有二義

盤谷之名有二義或曰環山或曰盤旋而韓昌黎兩存之冉谿之名有二義或曰冉氏或曰可染而柳河東兩存之

可稱之地

天下可稱之地有四謝元暉鼓吹曲云江南佳麗地是也杜甫祠南夕望詩云湖南清絕地是也張孟陽劖閣銘曰形勝之地是也杜甫亦曰

惜哉形勝地回首一茫茫爲懷錦水作也

志祖案疑

尚有脫文廷博案潘刻

脫廿四字今據鈔本補完

地名異

梁一也而有南有大有少焉

今汝州梁縣爲南梁皇都浚儀縣爲

大梁同州韓城縣爲少梁

蔡一也而有新有上有下焉

新蔡上蔡

今蔡州縣下蔡今潁川縣是也

三齊三楚之有別

齊與濟北膠東爲三齊江

陵爲南楚彭城爲西楚吳爲東楚

三蜀三吳之有異

三蜀謂蜀郡漢高分

置廣漢武帝分置犍爲三吳今蘇潤湖州

既辨三毫

今曹州考城縣爲北毫今南京

穀城縣爲南亳今西京偃師縣爲西毫

又分三江

自豫章而下入于彭蠡而東至

海爲南江自蜀岷山至于九江彭蠡以入于海爲中江自嶓冢導漾東流爲漢過三澨大別以入于江匯于彭蠡以入于海爲北江嵩高外方一山而名二具區震澤一湖而號殊荆山有南北之異條蒙山有東西之異域

地名同

崆峒山有三在臨洮者秦築長城之所起也在安定者禹導涇水之所出也在臨汝者黃帝問道于廣成子之地也霍山有四南岳之衡廬江之天柱皆謂之霍山晉之霍山在今晉州霍邑

蠻氏有霍山在今汝州梁縣也汝水有二魯之
汝水出泰山萊蕪縣所謂東北會於汝是也其
一出朱虛縣泰山北過淳于縣今濰之東南有
大汝小汝是也汎水有二僖二十四年王處子
汎南汎也出汝州僖三十年秦軍汎南東汎也
在中牟蒙城有二楚之蒙縣莊周所居也案莊子所居卽宋之蒙縣非楚地史記索隱引劉向別錄云宋之蒙人也可證宋之蒙縣
宋萬弑閔公之地也武城有四襄十九年城武
城魯地也卽子游所宰之邑也僖六年許僖公
于荊州

見楚子于武城楚地也文八年秦人伐晉取武
城在今同州馮翊今恩州亦有武城縣漆沮旣
見于扶風又睹于馮翊沱潛旣發于梁地復出
于荊州

帝王歷年

以史記所載歷年計之五帝四百一十一年三
代一千九百七十四年以劉恕外紀所載歷年
計之五帝二百五十二年三代一千九百二十一
八年則外紀于五帝少二百四十年於三代少

四十六年

紀元

紀元非古也其起于誰乎以一字紀元者始于西漢文帝之後元年景帝之前三年中元年後元年以二字紀元者始于西漢武帝之建元以三字者始于梁武帝之中太通繼以中大同以四字者始于前漢哀帝之太初元將申於後漢光武之建武中元又申於魏太武帝之太平真君唐武后之天冊萬歲又曰萬歲登封又曰萬

歲通天繼于我宋太宗之太平興國真宗之大中祥符徽宗之建中靖國唯復周制不改元但稱元年者自西魏廢帝始至于周明帝復改元以天紀者有天漢天策天璽天紀天監天嘉天康天興天賜天保天授天安天統天和天寶天復天祐天成天福先天又有甘露調露景雲神電文詔案神電未詳以地紀者有地節地皇以乾紀者有乾明乾封唐高宗○志祖案乾封之乾音干通乾乾元乾符乾寧乾化乾祐以龍紀者有黃龍青龍神龍景

龍龍翔龍朔龍德龍紀又有麟德大象神麌神
龜以鳥紀者有元鳳五鳳天鳳神鳳儀鳳鳳皇
又有神爵赤烏鴻嘉以瑞紀者有元鼎寶鼎寶
應寶歷大寶神瑞嘉禾以元冠子上者曰元光
元朔元狩元鼎元封元鳳元平元康元壽元始
元初元嘉元徽元和以太冠子上者曰太初太
始太元太平太和太豫太通太清太歷以大冠
者曰大安大興大寧大常大延大同大明大開
大統大象大寶大建大業大定大中大順文昭
案唐

文宗年號大和與魏晉年號太和不同此以建
缺○志祖案季昭以文宗年爲泰和見後以建
者曰建元建昭建始建平建武建初建光建康
建和建寧建安建興建國建衡建明建德建中
以永者曰永光永始永平永元永初永寧永建
永和永嘉永興永壽永安永熙永康永昌永明
永泰永定永徽永淳永貞以景者曰景輝景元
景平景和景明景初景龍景雲景福以初承于
下者曰太初永初元初本初黃初景初以始承
于下者曰太始本始建始永始元始更始泰始

皇始大始正始以和者曰征和綏和章和永和
建和光和太和咸和隆和延和景和興和天和
元和中和以平者曰元平河平建平永平延平
和平熹平中平初平興平嘉平升平景平正平
熙平天平太平以昌者曰永昌隆昌延昌孝昌
會昌以康者曰元康太康永康咸康寧康天康
以寧者曰竟寧永寧建寧咸寧大寧興寧又寧
乾寧以安者曰漢安建安永安太安咸安隆安
興安長安以熙者曰延熙炎熙咸熙光熙義熙

永熙

按孔穎達云文王既王稱王而得輒改元
年者諸侯自于其國各稱元年元年是已
之所稱容或中年後改矣汲冢周書魏惠
王有後元年漢初文帝二元景帝三元此
必有因于古也其說有據故并錄之一通
鑑周顯王紀四十五年秦惠王改其國十
四年爲元年注云古未有再改元憲始於
此張耘叟年歷辨誤云漢哀帝建平二

年夏待詔夏賀良等言漢家歷運中衰當再受命宜改元易號乃詔改爲太初元將元年號曰陳聖劉太平皇帝八月復詔蠲除之本紀但稱太初元年脫元將二字況太初本武帝號與哀世相去未遠不容更襲舊號蓋後世之校讎者誤也 溫公考異曰世祖中元元年四月改元續漢志云以建武三十二年爲建武中元元年紀年通譜云據紀志俱出范氏文弨案續志出子司馬彪非范

氏而所載不同此必傳寫脫誤今官書累經校定學者失于精審但見改元復有建武二字輒以意刪去斯爲謬矣梁武帝大同大通之號俱有中字是立憲章於此今從袁紀范書 後漢光武紀以二月登封泰山四月己卯大赦改元爲中元案禮儀志志祖案當作祭祀志載封禪事云以建武三十二年爲建武中元元年東夷列傳亦云建武中元二年倭奴國奉貢朝賀據紀傳俱出

范氏而所載不同如此蓋後之校定者但見改元復有建武二字輒以意刪去之誤矣

年號同

西漢武帝紀元曰建元東晉康帝南齊高祖亦曰建元東漢光武紀元曰建武西晉惠帝東晉元帝南齊明帝亦曰建武西漢宣帝東漢威帝皆號元康晉明帝北齊武成帝皆號太寧晉惠帝元魏文成帝皆號太安西晉愍帝蜀後主皆

號建興漢章帝唐憲宗皆號元和後漢威帝改元嘉宋文帝亦如之後漢和帝改元興東晉安帝吳烏程侯亦如之同曰黃龍者漢宣帝吳大帝也同曰五鳳者漢宣帝吳會稽王也漢宣帝魏高貴鄉公俱曰甘露東晉安帝恭帝俱曰義熙南齊和帝魏廢帝均曰中興以泰冠于上者曰泰始則晉武帝宋明帝同曰泰和則魏明帝東晉廢帝魏文帝唐文宗廷博案唐文宗是大和非泰和同以永冠于上者曰永平則漢明帝晉惠帝魏宣帝

同曰永興則漢威帝晉惠帝魏明元帝同曰永熙
則晉惠帝魏孝武帝同曰永安則吳景帝晉惠帝
同曰永康則漢威帝晉惠帝同曰永寧則漢安帝
晉惠帝同曰永初則後漢安帝宋高祖同曰永嘉
則後漢冲帝西晉懷帝同曰永和則後漢順帝東
晉穆帝同曰永元則後漢和帝南齊東昏侯同曰
永安則晉惠帝魏莊帝同曰永昌則晉元帝唐則
天同曰永泰則南齊明帝唐代宗同以至父子有
同號者漢高祖與愍帝不改其乾祐梁太祖與末

帝不改其乾化唐明宗與哀帝不改其天祐三
世有同號者周太祖世宗恭帝相襲爲顯德大
宋藝祖皇帝與蜀主王衍同爲乾德

姓名同

曾參與魯人同姓名而得殺人之謗史記甘宰
予與閼止同字子而得作亂之誣史記仲尼傳
凡名號同者可不參會而使之歸一乎堯時有
羿淮南子云有窮后羿淮南子云二人皆善射
舜有臣伯夷書注云孤竹君之子伯夷索隱曰姓墨胙

名允字公信伯

長也夷諱也一則爲名一則爲謚周有季子

宣公十年

天王母弟魯公子友閔元年晉郤至成十七

吳

季札襄三十一年

衛子路戰國蘇秦史記皆爲季子

齊有夷吾莊八年晉亦有之

僖二十四年注晉侯夷吾周有

南宮括君與篇管仲

文王臣魯亦有之仲尼弟子卽南宮括

管仲爲敬仲高傒襄二十一年

陳公子完莊二十二年皆

字敬仲孔白檀公西與家

語關勃僖二十驅帶昭

八年皆字子上孔伋原憲燕伋平當皆字子思孔

最冉季公孫儵皆字子產澹臺滅明公孫揮知

營皆字子羽巫馬期叔仲會皆字子期公孫茲

秦非皆字子之顏由仲由皆字季路顓孫師公

孫黑肱襄十一年

叔孫輒哀八豐卷襄三琴牢皆字

子張紂有左師觸龍荀子議

趙亦有左師觸龍荀子篇

戰國鄭有子西

公孫夏大夫宜申春秋策

子張紂有左師觸龍荀子議

趙亦有左師觸龍荀子篇

戰國鄭有子西

公孫夏大夫宜申春秋策

秋時晉有趙括六國時趙亦有趙括春秋時晉

有士燮三國時吳亦有士燮春秋時魯有兩公

子偃一非成公庶子一是也鄭有兩公孫揮皆

字子羽一非行人子羽一是也冉雍與漢陳寔

同字仲弓端木賜與漢王尊吾丘壽王同字子貢仲由與漢爰曾同字子路卜商與漢杜欽杜

鄴孔光同字子夏前漢杜欽字子夏茂陵杜鄴與欽同姓名皆以才能稱京師故衣冠謂欽爲盲杜子夏以相別欽惡以疾見詆迺爲小冠高廣財二寸由是京師更謂欽

爲小冠杜子夏而鄴爲大冠杜子夏云宓不齊伏勝皆字子賤濟南伏生出後漢伏湛傳鄭子產襄三十五唐杜甫皆字子美谷

永終軍楊雄皆字子雲韋賢汲黯韓安國皆字長孺東方朔雋不疑于定國皆字曼倩司馬相如薛廣德施讎皆字長卿李陵任安丙吉皆字

少卿車胤王濟皆字武子前漢枚乘晉嵇康皆字叔夜志祖案枚乘字叔無夜字後漢邊韶魏毛玠皆字孝先漢晉孔安國同姓名漢晉王良同姓名前漢看兩韓信俱佐高祖而一爲韓王一爲齊王又降爲淮陰侯前後漢有兩王書而在後漢者爲酷吏後漢有兩王霸而避王莽者爲逸民唐有兩李益而皆能詩又有兩韓翃而一爲詩人一爲刺史周唐皆有大顛志祖案周之大顛本作泰而在唐者爲名僧晉唐皆有李密而在晉者有孝德晉有

三趙孟趙朔之子曰武謚文子稱趙孟趙武之子曰成趙成之子曰鞅又名志父謚簡子亦稱趙孟趙鞅之子曰無恤謚襄子亦稱趙孟周有伯達後漢有公孫伯達淵明漢齊有三召平蕭何傳東陵侯曰召平項羽傳廣陵人亦曰召平齊悼惠王傳齊相亦曰召平趙有將曰扈輒史李牧傳漢張耳時別有扈輒尹翁歸前鄭翁歸後孔翁歸梁不皆同名司馬食其衛酈食其甯食其趙食其並漢皆同名荀闔蔡諧諸葛恢皆字道明

晉賈琮班固並字孟堅後漢周有君牙唐有邢君牙梁有庚肩吾唐有施肩吾齊有孟嘗君田文後漢有孟嘗君此皆名同而實異

慕人名姓

司馬相如初名犬子慕蘭相如之爲人更名相如前漢李綱始名瑗慕張綱之爲人改名綱唐傅幼起慕南容更字南容酈審趙慕衛司馬食其皆名食其項羽紀注人皆賢之惟員半千其先姓劉慕伍貞而改爲呂氏則又甚焉姓可改也孰不

可改也

廣韻員音運注云姓也唐有刺史員半千

不類名字

馮野王習鑿齒劉牢之劉黑闥張開地

張良傳乃良大

父殷開山李百藥劉大真吳武陵宗楚客牛仙

客東郭咸陽名咸陽漢

武帝時人

不類名也

竇嬰字王

孫嚴彭祖字公子朱買臣字翁子趙充國字翁

孫杜茂字諸公張宗字諸君施延字君子徐穉

字孺子石沖字幼子胡常字少子羊祜字叔子

張興字君上李宗字尊祖劉祐字伯祖李密字

令伯裴光庭字連城薛平字坦塗獨孤郁字古

風斛律光字明月李靖字藥師蕭瑀字時文柳

公權字誠懸王維字摩詰何曾字頴秀裴頫字

逸民傅蝦字蘭石牛僧孺字思黯賈島字浪仙

不類名字也

文弨案記權衡誠懸不可欺以輕

故牛取思黯爲重羅摩詰是佛名漢汲黯字長孺

字未可爲不類陳寵字昭公劉昆字桓公陳

重字景公伏湛字惠公呂岱字定公竇融字周

公袁安字邵公元照案字邵公直類古之諸侯

耳浩生不害吾丘壽王不類姓名也

履齋示兒編卷十四

履齋示兒編卷十五

廬陵 禮津孫 奕季昭撰

雜記

人物通稱

父母稱嚴君

家人卦

樗里子亦稱嚴君

史記秦封號爲嚴君

○母可稱大人

前淮陽王欽傳舅張博云王遇大人大益解是也又范滂稱母爲

○叔亦可稱大人

前漢疏受謂廣曰人叔亦可稱大人從大人議是也

氏

何人斯詩曰伯氏吹埙

○狐突亦爲伯氏

檀弓注伯氏

妻父亦可稱舅婿亦可稱甥

爾雅妻之父爲外姑舅妻之母爲外姑

往謂我舅者吾謂之甥然則亦宜呼
婿爲甥孟子曰帝館甥于武室是也○天子可
稱鉅公前郊祀志欲見鉅公張晏曰天子平王宇傳今暑熱縣官年少注不敢指斥
前東平王宇傳依東宮之尊師謂之縣官○鯤案霍光傳注如淳曰縣成帝故謂之縣官○劉向傳依東宮之尊師官謂天子○太后亦稱東宮古曰東宮太后所居也

○太子內官稱孺子前漢武王子傳納史良娣也太子有妃有良娣有孺子凡此三等○妾亦稱良人前漢上官父諸良人侍御皆亂師古曰良人謂妾也侍御則乘婢矣○嬖幸之舍亦曰玉堂谷永傳抑揖椒房玉堂之盛寵師古曰玉堂嬖幸之舍也楊雄傳上玉堂晉灼曰黃圖有大玉堂○人有名青史應劭風俗通曰青小玉堂殿

史善著書卽青史者人姓名也文弨案青史氏漢藝文志小說家有青史子五十七篇注云古史官記事也書亦名青史杜甫贈鄭十八曰古人日已遠青史字不泯注云殺青爲竹簡之史也○觀論語遇丈人荷蓀注曰老者則不特杜甫稱韋左丞爲丈人也文弨書匈奴以天子爲丈人行吳越春秋性命屬天今屬丈人○天下可以爲物莊子莊篇有土者有大物是也人亦可以爲物泰誓曰惟人萬物之靈是也○樂記食三老五更於大學謂更歷事者則知不惟五夜爲五

更也○李義山云鸞能歌子夜謂晉人有子夜者善歌則知非甲夜乙夜之類也○繫詞以天地人爲三才而輪人之軒三材謂轂輻牙弓人之合三材謂膠漆絲也○王旗曰太常君牙曰紀于太常注王之旌旗畫日月曰太常是也禮官亦曰太常漢百官表云奉常秦官景帝更名太常注謂尊大之義是也○車蓋亦得稱屋漢高紀曰紀信乃乘王車畫屋左纛謂天子車以黃繪爲蓋裏○車亦得稱路襄公二十六年享

子展賜之先路賜子產大路皆車之總名○日亦曰東君前郊祀志云晉巫祠東君師古曰東君日也○元日亦稱三朝班固東都賦曰春王三朝會同漢京注云三朝元日也朝附遙反謂歲之朝月之朝日之朝是也○四月亦稱正月詩正月繁霜注云正月夏之四月是也○曲亦名陽春宋玉對楚王問曰其爲陽春白雪屬而和者不過十人曲亦名九秋陸士衡日出東南隅行云丹脣含九秋注九秋曲名○矢名忘歸

出劉向新序云楚王載忘歸之矢以射兜於夢澤草亦名忘歸出文選陸士衡詩安得忘歸草言樹背與襟注謂忘憂草○稻亦稱嘉蔬曲禮云稻曰嘉蔬是也○雉亦稱華蟲益稷篇云山龍華蟲是也○山有羊腸酈元注水經云羊腸盤道三十六回枉成州仇池山又見後漢白馬氏傳水之榮迴者亦曰羊腸後漢鄧訓傳所謂羊腸倉是也志祖案羊腸倉亦指石磴言似非水之榮迴也○酒名屠蘇廣韻屠蘇酒元日飲之可除瘟氣是也屋亦名屠蘇劉

孝威結客少年場行云障月錦屠蘇是也○竹有名龍鍾杜寄高使君岑長史云何大龍鍾極於今出處妨薛云案廣韻龍鍾竹名世言龍鍾取此義也謂其年老如竹之枝葉搖曳而不能自禁持也子攷之廣韻玉篇籠鐘竹名廣志云可爲笛二字皆從竹籠力公切○大宗伯以禽作六摯而羔與其一者是獸亦可謂之禽也考工記言天下之大獸五而羽與其一者是禽也可謂之獸也○蚊蚋亦名白鳥文弨案夏小正丹鳥羞白鳥白

鳥謂
蚊蚋杜寄劉峽州云江湖多白鳥天地有青蠅
杜修可云一謂鷗鷺之類詩言白鳥鶴鶴是也
喻賢者之潔白乃棄江湖之間一謂蚊蚋也以
譬小人云賢者處亂世欲隱則爲蚊蚋所嗜欲
出則爲青蠅所汚○鳥有名竹林杜寓同谷縣
云竹林爲我啼清晝西清詩話云崇寧閒有貢
士自同谷來籠一禽大如雀色青善鳴曰竹林
鳥也○鵠鵠又名玄鳥螢火又名丹鳥竝出古
今注文弨案丹○烏反哺亦名慈烏雞反哺亦

名孝雉出倦游雜錄

云吐
經雜

○人名飛燕前漢趙

飛燕立爲皇后注云善舞馬亦名飛燕謝靈運
會吟行云飛燕躍廣途西京雜記云文帝有馬
九匹一名飛燕驅○人名飛廉滕文公注云約
之臣風伯亦名飛廉離騷經後飛廉使奔屬是
也○觀名風廉鴻臚志賦云草亦名風廉本草○羊謂
之腔韓愈病中贈張十八云酒壺綴羊腔是也
豬亦謂之腔張鷺朝野僉載云案後一腔東豬
肉是也○竹謂之箇史記貨殖傳云竹竿萬箇

是也舟與鳥獸亦可謂箇杜甫屏迹云漁舟箇箇輕絕句云兩箇黃鸝鳴翠柳夜歸云峽口驚猿聞一箇螢火云卻繞井欄添箇箇題柏大山居云蕭蕭千里馬箇箇五花紋是也一說五花紋爲箇非謂匹馬爲箇也

人物異名

人物之異名其來尚矣。天子曰天辟前五行惡之如淳曰天辟謂天曰鉅公曰縣官竝見人子也師古曰辟音壁曰先蘇物通稱禾絹南北史父曰郎罷子曰罔音蹇閩俗呼父爲郎罷呼子爲罔出

藝苑
雌黃舅姑曰尊章漢廣川王傳背尊章師古曰尊章猶言舅姑也兄弟妻相謂曰先後曰妯娌郊祀志見神於兄弟妻相謂謂先後宛若字也師古曰先蘇見反後胡構反古謂之妯娌今關中俗爲先後吳楚俗呼爲妯娌音輔里長嫂曰丘嫂楚元王傳過其丘嫂食應劭曰丘姓也孟康曰西方亡女婿爲丘婿正室也兄亡空有媳也張晏曰丘大也長嫂稱也師古曰史記丘字作巨丘巨皆大女婿曰丘婿見上曰倩淳于意傳倩說文曰東齊人呼女婿爲倩言可假也張說得之曰甥見前人物通稱太守曰郡長漢高祖紀懷王以沛公爲穀郡長韋昭曰秦名曰守是時改曰長郡將嚴延年傳繡見延年新將帥古曰新爲將邵將也謂郡將者以其兼領武事者也邑長

曰落長王溫舒傳置伯落長以收帥名曰五百
晁錯傳四里一連有假五故公車大誰卒師古曰大誰者主問非常之人云姓名是誰也大誰本以誰何稱因用名官有大誰長今此卒者長所領士卒也主餅餌曰湯官漢百官表師古曰湯官主餅餌主鑄錢曰鍾官
百官表加淳曰鍾官主鑄錢官也仰塗者曰狃人揚雄曰狃人亡則匠石輒斤而不敢妄斲
師古曰堅卽今之仰塗也狃拔拭也故謂全者爲狃人音乃高反又音迺回反操舟曰榜人子虛賦榜人聲流喝張揖曰榜船也月令曰命榜八榜人船長也師古曰榜音謗
杜長年三老遙陪汝注曰舟師也民曰氓隸子虛賦使車曰驛騎六
莊十一年乘王之役使車曰驛騎帖

輶車驛騎星夫人車曰魚軒閼二年歸夫人魚篤皆使車也夫人車曰魚軒閼二年歸夫人魚篤皆使車也夫人車以魚皮天子旗曰翠華相如上林賦軒注云夫人車以爲飾建翠華之旗○楚靈王弓名大屈昭七年楚子享公于新臺好以繁弱鉅公以金僕姑射南宮長萬注云金僕姑矢箭名○馥案廣韻鐸字注引字林鑛鐸魯矢箭曰季荀子注惡篇繁弱鉅季矩季古之良弓也宋矢名金僕姑莊十一年乘王之役忘歸見前人碑石曰蘭石城上掘物通稱碑石也○紙曰楮先生韓文毛穎傳穎與剡藤舒元輿悲剡會稽楮先生友善剡藤溪古藤文朝野僉載宋毫閒紙有成界道者謂之烏絲欄筆曰毛錐子五代史洪廷定禍亂直須長槍大劙若毛錐子安足道哉管城子毛穎傳秦皇使

號爲管 中書君又上嘗呼爲中書君墨曰陳玄

又與絲黑人陳玄

城子 松使者陶家瓶餘事曰玄宗御案墨曰龍香劑見墨上有道士如蠅而行叱之卽呼萬歲曰臣黑松使者

也見雲仙散錄鳳翔退耕傳薛稷爲硯封石鄉侯

硯曰陶泓

毛穎傳與弘農陶泓石鄉侯

也見雲仙散錄鳳翔退耕傳薛稷爲硯封石鄉侯

牀注云井欄也○鯤案古樂府淮南王篇云後園鑿井銀作牀銀牀二字本此

廉曰蝦須蘇易簡越江吟云須半捲天香散

席曰胡牀

晉桓伊下馬據胡牀取笛

弄三井欄曰銀牀

許彥周云嘉祐中漁人網得一石刻曰井梧花落盡一半在銀

牀注云井欄也○鯤案古樂府淮南王篇云後園鑿井銀作牀銀牀二字本此廉曰蝦須蘇易簡越江吟云須半捲天香散

席曰龍鬚

唐鳳翔府士貢龍鬚席

曰菱花

六帖魏武帝有菱花鏡王羲之書

扇曰六角

六角扇

蒲葵

謝安傳鄉人有五萬蒲葵扇安取其中者捉之價數倍

白羽

杜甫茅齋詩云江蓮搖白

羽注白輕箋杜詩輕箋頻鞭曰馬箠前裏敬曰羽扇也輕箋相向注扇也鞭曰馬箠周家大王杜馬箠

香爐曰博山

晉東宮舊事太子納妃有居岐銀博山香爐三古詩博山

爐中百和香

晋傳玄琴賦

琴曰綠綺

晉傳玄琴賦相如之綠綺

圍幕曰手談曰坐隱

世說王中郎以圍幕爲坐隱支道林則又以圍幕爲手談也

船首曰文鵠

子虛賦浮文鵠注云鵠

水鳥也畫其象於船首

○虎皮曰皋比

莊子

皋比而先犯之

皋比虎皮也

犀角曰黑暗象牙曰白暗

西陽雜俎注皋比虎皮也

云波斯謂犀角爲黑暗象牙爲白暗

云波斯謂犀角爲黑暗象牙爲白暗

蟬螺曰紫貝

南楚新聞

牛曰狂靡

古今注云

栎子厚詩蹊竹鬪狂靡音

麻牛名出巴中又見爾雅

馬曰驚帆

古今注云

馬名飛黃

淮南子黃帝定公三年唐成公

驚帆飛黃時飛黃服早肅爽

定公三年唐成公

有雨乘肅爽馬注

云波斯謂犀角爲黑暗象牙爲白暗

云波斯謂犀角爲黑暗象牙爲白暗

馬名飛黃時飛黃服早肅爽

定公三年唐成公

有雨乘肅爽馬注

- 云肅爽駿馬
名爽音霜
- 良犬黃耳
良也。黃耳晉陸機有犬名黃耳。
- 羊曰美髯
羊曰美髯主簿古今謂之也。
- 郎鶡參軍
郎羊名鶡參軍。幽異記鶡參軍古今謂之也。
- 金豪豬曰希臘
金猪政富號爲烏金。豪豬曰希臘。捕熊羆豪豬。
- 西陽白老
西陽雜俎曰。白老。稽神錄建州刺史見政治家有猫兒白老。
- 龜曰靈蔡
龜曰靈蔡。張景發靈蔡。一名僕匱。名僕匱。
- 督郵
古今督郵。古文昭案希音弟。
- 伯從事
古今伯從事。因詁先知君抱朴子。
- 河伯使者
古今河伯使者。同上小魚曰魚婢爾雅蟹注。
- 科斗
科斗。爾雅釋魚。蛇曰白鳥金樓小蜘蛛爲喜子。爾雅釋魚。一名科斗。
- 蟹奴
蟹奴。又有小蟹。附之無腸公子抱朴子。一名蟹奴。如榆莢名蟹奴。
- 懶婦
懶婦。古今注蠛蟀。一名懶婦。腳者俗呼爲喜子。
- 促織
促織。一名促織。一名絡緯。一名螢。莎鷄名促織。
- 曰齊女
曰齊女。董伸舒荅問齊后。書蟬名齊女。
- 古今注
古今注。古今注因齊女。齊后。齊后。古今注。
- 古今注
古今注。古今注非兩事。螢火。一名耀夜。又曰夜光宵燭。古今古今注。古今注。
- 古今注
古今注。古今注。古今注。古今注。

者同蛺蝶曰鳳子古今注蛺蝶大者名鳳子○鶴曰丹哥祕
新談云道士趙自古詩
丹哥時同鳳謂燕也○鷹曰鷹奴玉堂閣話鷹
中動至于百大者居中
令鷹奴圍而警捕者霜信古今詩話北方白
降河北人殊翁前禮樂志殊翁雜五采文孟康
謂之霜信翁曰翁鷹頸也言其文采殊異也

鵠曰飛奴開元遺事白鷺曰春鉏爾雅雪客談雀曰嘉
賓古今知更開元遺事鷹鵠曰決雲兒同子雉曰催
歸玉壺清話退之詩云催歸高唐賦
日未西魯直謂子規也別名姊歸高唐賦
思婦爾雅曰鷦周郭曰子鷦也或鷦胡圭切鶯曰金衣公
子開元遺事明皇見鷦鷯呼曰金衣公子鸚鵡曰雪衣娘明皇雜錄
天寶中鸚

鳴養宮中綠衣使者開元遺事龍客談鳩曰搏
號雪衣娘明皇封○鶲曰搏
谷博物志雞曰戴冠郎異聞集○猿曰野賓野說五
字分想裏六字
猿名之曰野賓○文昭案野說五分想裏六字
譌案王仁裕有人獻猿名之曰野賓出王氏見
聞山公因話錄李約巴西侯同上報時猿天寶遺
錄山公養猿名山公事高大
素構清心亭每一時○牡丹曰木芍藥李翰林
集序云瑞香曰錦薰籠若溪叢話
薰籠即啼目曰報時猿○牡丹曰木芍藥李翰林
集序云瑞香爲北人呼蘭香爲石勒諱也芙蓉一名
芍藥即開元中禁中初重木
今牡丹也○羅勒羅勒北人呼蘭香爲石勒諱也芙蓉一名
荷花一名水芝水花菱曰水栗武陵記曰
古本新雜甘泉賦列新
菱通曰水栗辛夷曰木筆本草新雜甘泉賦列新
菱通曰水栗

古曰新雉上林賦鮮支黃礫師即新夷也支子樹曰鮮支上林賦鮮支黃礫師即新夷也古曰鮮支即今支子樹也○桃實白乾不落者名桃奴本草柑曰木奴風橘于樹號于頭木奴記曰李衡於武陵種柑橘于樹號于頭木奴櫻桃曰崖蜜東坡橄欖詩已輸崖蜜十分甜事見鬼谷子崖蜜櫻桃也○鯤案鬼谷子無此文○元照案冷齋夜話亦云見鬼谷子尚有照夜青熒也百花蠶蜜也之文

者曰天漿

酉陽雜俎枇杷曰盧橘

廣記石榴甜

龍眼爲荔支奴

海物異名記嶺南人呼爲荔支奴

記有羊角

雞心

廣志有雞心

細腎之棗

龍骨

地名志河中東坡曰枇杷也

棗曰羊角

鷦

角棗

雞心

細腎之棗

龍骨

府貢龍骨棗

草曰書帶

鄭康成有書帶草

甘草曰國老大黃曰將軍

草本巴焦曰巴且子虛賦文穎曰巴且草一名巴且下有跋鳴上音跨跋鳴芋也

跋鳴前史蜀卓氏傳岷山之下沃塋筍曰稚子

杜詩竹根稚子無人見唐人音跨跋鳴芋也

筍曰稚子食筍詩云稚子脫錦繡是也竹萌爾雅釋草茄子曰落蘇曰崑崙瓜酉陽雜俎蘿蔔曰土酥曰蘆菔葉曰歌云金城土酥靜如練東坡云卽今之蘆菔也茗曰酪奴洛陽伽藍記瑞草魁杜牧茶詩云山實東吳秀茶稱瑞草魁柏曰蒼官竹曰青士大新語樊宗池記桐枝曰鳳條酉陽柳曰天棘杜詩天謂桺也絲王元之櫻櫛名蒲葵廣魚際曰絲瓜墳碎酒曰歡伯酒譜○文弨案歡伯見易林麌生封生伯般若湯

酒譜北僧謂酒爲般若湯。青州從事古史說苑謂美酒爲青爲潞府都郵。

檻曰鴟夷鄒陽傳子胥鴟夷檻。○檻一作聯。合資而飲曰酣飲集韻。○酣飲今本作醲。盛酒

譽爲儋

聃通傳守儋石之祿應劭曰齊人名小都濫反或曰儋者一人所肩儋也。

饅餅曰寒餽

事贊又嘉話云饅餅曰寒

具

○雪爲滕六風爲吳二

幽怪錄蕭至忠將

蕭君不復猶矣。

○水津爲步

韓愈羅池廟碑言步有新船注嶺南

謂蕭君爲步。

村市爲虛

青箱雜記嶺南謂村市爲虛市之所以在有人則滿無人則

虛地

○炭火曰活火

李約性嗜茶嘗曰茶須緩火炙活火煎活火謂炭火之焰

○金釧名金條脫

盧氏璫瑁曰文甲前西域傳雜說

甲如淳曰文

贊明珠文

甲卽璫瑁也

近身小衫曰廁牕

石奮傳取親中羣廁牕音投師古曰

中羣若今言中衣

蘇林曰牕音投師古

廁牕者近身之小衫若今汗衫也

○不曉

事名罷憊

同上集韻○文弨案晉程曉詩今世罷憊子觸熱到人家惡言罵詈

名罷憊

官如淳曰藏兵器品令

日若盧郎中二十人主弩射漢儀注有若盧少府屬

令主治庫兵將相大臣王商傳丹等奏請詔商

諸若盧詔獄孟康曰若盧獄

北軍劉向傳章交少府黃門北寺是也

付北軍尉

楚元王傳胥靡之以法治之

聯繫囚徒曰胥靡

晉灼曰胥相也靡

隨也師古曰聯繫使相隨而服役也故謂之胥靡猶今之役囚徒以鎖聯綴耳

物重名

物之名有重言之者鳥曰周周文選阮嗣宗詠懷曰周周尚衝羽又見鶡鶡比翼爾雅秩秩如雉在海中山上燕子飛○獸曰猩猩曲禮猩能言狒狒如人被髮蔽其目鳴工聊費費也人面黑身有毛反踵見人則笑脣反費扶味反邛邛爾雅邛邛如蟬而小鷗鵒曰八八見王虛注云比肩○蟲曰蚌蚌方言卽蜻蜻爾雅𧈧𧈧注如蟬而小鷗鵒曰八八見王虛孝文○鯉曰六六魚宋景文詩尺素策策六六魚

庚氏之魚堂堂化書辛氏之名策策

因物得名

世有所出所嗜所作因以冠名者多矣莫邪作寶劍而名其劍曰莫邪賈誼傳弔屈原賦莫邪爲鉛刀應劭曰莫邪吳大夫也作寶劍因以冠名劉白墮善釀酒而名其佳酒曰白墮洛陽伽藍記蕃中畢氏羅氏好食因謂所食者爲畢羅資暇錄胡人常食餅而名胡餅書宗紳雜記潘州郭使君療小兒多食核桃而名胡桃紳記潘州郭使君療小兒多用此物醫家因名曰使君子本草人牽牛來易藥

而名其藥曰牽牛同上鯀魚張口吹沙而名鯀桑
扈青雀亨盜之脂膏而名竊脂竊爾雅注鶩附於松
柏而名寄生陸璣疏櫻桃爲鶩所含故名含桃呂氏春秋注王羲之以禽來食林檎之實名林檎曰來
禽尚書故實曰王內史書帖有與蜀郡太守書求櫻桃來禽日給藤子來禽言味甘來眾禽也一日漢中之地有蟲曰朐腮因名縣爲朐腮
漢祠太一使樂人侯調樂聲坎坎因名樂作坎
侯前漢阮咸作銅器似琵琶又易以木因名琵琶爲阮咸又改爲月琴唐元僧傳僕句之地出龜則名

龜曰僕句

昭二十五年臧會病其寶龜

其寶龜

僕句注云僕句龜所出地名蔡地出

龜則名龜曰蔡

前食貨志云龜爲蔡師古曰本以蔡出善龜故因名龜爲蔡

冀北出良馬則名馬曰驥

注者解論語驥不稱其力云冀出良馬之

地故良馬因謂之驥

衛地出驥則名驥曰衛資暇錄云世其力云冀出良馬之

地出驥其巢元修所嗜之菜謂之元修菜房州

有異人戴三朵花名之曰三朵花

出東坡詩牡丹曰出東坡詩牡丹曰君蔡謨荔以至鄭國渠書劉氏冠祖紀謝公墩謝安

傳萊公竹錄言行皆類此

續集卷十五

履齋示兒編卷十六

盧陵鄉先生孫奕 季昭撰

雜記

易物名

山谷喜爲物易名鄭花則易爲山礬竹夫人則易爲竹妃水晶膾則易爲醒酒冰洞庭春色則易爲埽愁帝集旬則易爲百家衣東坡名櫻筍爲木魚櫻筍詩名鐵拄杖爲鐵君鐵拄杖詩名竹爲苦節君文與可畫竹亦名之曰墨君皇朝文鑑東坡作文與可

示兒編卷十六

二知不足齋叢書

墨君堂記皆自我作古之一端也

人相反

孔子不飲盜泉

戶子曰孔子至千勝母暮矣而不宿過于盜泉渴矣而不飲惡其名

吳隱之飲貪泉

晉書本傳二人正相反于公多也

陰德

于定國父

陳平多陰禍

王陵傳

二人正相反陳平

多陰謀而知其後必廢邴吉有陰德夏侯勝識

其當封及子孫

後漢袁安張酺等論○鯤案此論專主袁安不必添張酺等三

字晉文公謫而不正齊桓公正而不謫

憲問邾子

執玉高其容仰定公執玉卑其容俯

家語召案上出

左傳定十五年○志祖案家語辨物篇載此事定公執玉卑執作受

管仲失于奢

晏子失于儉

子貢問

商也日益賜也日損

說苑范增師也

過商也不及

先進

伯夷死名於首陽之下盜跖死

利於東陵之下

莊

左丘明工諱人事莊周工言

天

宋景文公論

三代不封禪而立

范唐

秦封禪而立

鑑

武王誇誇而昌紂黷黷而亡

說

以甲子日亡

周武以甲子日興

魏王

西伯幽而演易周旦顯

而制禮

典

高帝孝文孝景皇帝宮女不過十餘

人武帝時又多取好女至數千人以填後宮

賈

願

疏宣帝詔書好言祥瑞元帝詔書好言灾異瑣

論

唐太宗謂李世勣道宗不能大勝亦不大敗

薛萬徹非大勝則大敗矣通鑑太宗紀

孔子高字孔穿

理勝于辭公孫龍辭勝于理通鑑周易服王紀

裴頠拙於

用長苟易工於用短王戎人倫鑑識

西門豹性急故佩

韋以自緩董安于性緩故佩弦以自急韓子張良

得黄石公書而爲帝者師京房得焦延壽易而

亾其身張無垢說非其君不事非其民不使治則進

亂則退伯夷也何事非君何使非民治亦進亂

亦進伊尹也

公孫丑上

曾子居武城有越寇或曰寇

至盍去諸曾子則去子思居於衛有齊寇或曰寇

至盍去諸子思則守離婁下子路拯溺而受其

牛呂氏春秋子貢贖人而不取金家語漢祖能用三傑

項羽不能用一范增高祖紀太宗以干戈之事尚

能起李靖於既老而穆宗文宗不能用裴度於

未病東坡說漢以羽林爲南軍金吾爲北軍唐以

金吾領南衙羽林統北衙蘇秦爲諸侯弱秦

張儀爲秦弱諸侯東坡說王衍口不言錢和嶠有

錢癖 晉魯褒作錢神論 晉蕭綜作錢愚論 南史阮籍作達莊論 王坦之作廢莊論 晉佛言無生老

言不死 集古錄跋 李廣擊胡無部曲行陣頓舍不擊刁斗 莫府省文書然遠斥候未嘗遇害 程不識

擊胡正部曲行伍擊刁斗治簿至明軍不得休息未嘗遇害

李廣傳

注本草誤其禍疾而小注六

經誤其禍遲而大

唐子西易菴說

崔祐甫爲相所用多

涉親故

太宗紀

竇易直爲相未嘗用親故

文宗紀

司馬遷敘三千年事五十萬言 班固敘二百年事

乃八十萬言

晉張良傳

子志寧爲僕射脩史恨不得

學士來濟爲學士恨不得脩史

南史新書

嬰母知廢陵母知興

班彪王

李白爲蜀道難 陸暢爲蜀道

易

禹錫嘉話

胡元禮在此人莫覓活李日知在此人

莫覓死

隋唐新論

韓魏公用家資如國用曾魯公惜

官物如己物

晁氏雲溪客話

劉隨州有眼作無眼句宋雍

無眼作有眼句

友議王

以詩爲文退之以文爲詩

后蘇子瞻詞如詩秦少游詩如詞

后世閒

好言語老杜道盡世間俗言語樂天道盡

荆公歐公

陽公之文和氣多英氣少蘇公之文英氣多和氣少邵氏聞後錄韓退之之文自經中來柳子厚之文自史中來上魯直詩到人愛處聖俞詩到人不愛處上同永叔不好杜詩子瞻不好遷史后蘇明允不能詩歐陽永叔不能賦曾子固短於韻語黃魯直短於散語后韓退之不可謂之詩有章韻文也杜子美不可謂之文無章韻詩也柳宗元而矣蔡君謨言文章而不言政

不言文章蘇子顧長康善畫

而不不能詩杜子美能作詩而不能畫子瞻方味詩話王摩詰詩詩中有畫觀之詰之畫畫中有詩史人之相反如此

物相反

夫椿以八千歲爲春秋朝菌不知晦朔二物正相反莊子葉莢生而靈著草死而靈二物正相反說六一牡丹華之絕而無甘實荔支果之絕而非名花六一黍熟頭低麥熟頭昂王元景談藪先種後熟謂之種後種先熟謂之稑內宰艸盛在末竹

盛在本艸實而生竹實而死唐耜解字說草敗而螢木敗而芝藝圃折中牆下之木抽必外向庭中之風行必內向同沈者曰蘋浮者曰藻韓詩菊甘薏苦抱朴子菱寒芡暖菱花開背日芡有開向日仇筆記凡草木花皆五出雪花獨六出韓詩外傳葵知隨日聖知應雨藝圃折中○烏之鬪竦其尾鵠之鬪竦其翼甘氏經鵠音鶴不日浴而白烏不日黔而黑莊鳧脰雖短續之則悲鶴脰雖長斷之則憂莊子雞司晨犬司夜燕秋去鴈秋來鳧善浮鷺善深禽鑑

雞晝明而夜昏鶡夜明而晝昏化書大肩無雄龜類細腰無雌蜂類志博物雄免腳撲朔雌免眼迷離歌木蘭蠶食而不飲蟬飲而不食家語魚無耳而聽蟬無舌而鳴淮南子巢居知風穴處知雨翼奉地震封臘蛇無足而飛鼯鼠五技而窮荀子仲秋鳩化爲鷹仲春鷹化爲鳩司表注仲夏鹿角解仲冬麋角解月鵠巢背太歲燕伏戊己乾鵠知來猩猩知往酉陽雜俎象膽隨四時在四腿春在前左夏在前右熊膽春在首夏在腹秋在左足冬在右足

同熊行數千里必在石巖枯木虎出百里外則
迷失路道墨客揮犀蛙蟻知雨鳥鳶知風燕避戊己
鵠避太歲魚聚北首鍼浮南指藝圃折中猩猩啼而
就禽狒狒笑而被格左思賦麝愛其臍狨愛其尾
犛牛自斷其尾雄雞自斷其尾並談苑○天道尚
左星辰左轉地道向右瓜匏右橐藝圃折中日生東
月生西禮記曰大明生於東箕星好風畢星好雨洪範月
未望則載魄於西既望則終魄於東揚子○飲養
陽氣食養陰氣禮記陽燧取火方諸取水論衡舟以

行水車以行陸考工記水流濕火就燥乾陽律以
竹爲管陰律以銅爲管與同推手向前曰琵御
手向後曰琶釋名合樂爲柷止樂爲敔書外方內
圓曰簠內方外圓曰簋 方曰筐員曰筥詩注
竹豆謂之籩木豆謂之豆爾雅有足曰錡無足曰
釜詩注端石瑩潤惟有鋒鋩者發墨飲石多銳惟
膾理者特佳蔡君謨說冠敝在於上履新處於下
柳識弔夷齊文前推口槧郤曳曰櫂韻譜其物之相反有
如此者

自相反

梁武帝手得江左而亦自失之唐明皇手定唐亂而亦自亂之無始說唐明皇始年衣錦繡珠玉晚年乃喜浮侈憲宗始年四方無得進奉晚歲乃喜羨餘同上裨謔謀於野則獲謀於邑則否公襄三十里奚居虞而虞亡在秦而秦霸史記韓叔孫通在秦則爲諛士在漢而直諫裴矩在隋爲佞人在唐而亦直諫無冉有從夫子則爲門人之選從季氏則爲聚斂之臣東坡續明黨論孟子不

見諸侯而見梁惠王

王聖美說見沈存中筆談注

韓非作說難

之書而卒死於說難

揚子

孟公綽爲趙魏老

則優不可爲驟薛大夫

憲

黃霸爲相功名減於

治部時王尊乍賢乍佞

並

王吉天下服其廉而

怪其奢劉晏能廉於臨財而不能廉取於功名

並廉吏傳

司馬相如言吃而善著書

漢

嵇康善著養

生論而自以事坐誅阮籍口不臧否人物而作

青白眼

並晉

光武卻祥瑞不假而受圖識武宗除

去浮屠而躬受道家之籙

并蠱新話

王衍高談物理

見石勒而下拜王坦之剛鯁自許見桓溫而倒
執手板晉退之嘗譏人不解文字飲而自敗於
文技文昭案文技二字未詳或核作女奴當因
張籍詩云乃出二侍女合彈琵琶箏然何
謂之自敗
嘗戎人服金石藥而自餌疏黃孔毅夫新
案退之服疏黃乃李密白識郭子儀之爲人傑
自敗中行字偶同耳
冠古今而無韻者殆不可讀曾子固以文名天

下而有韻者輒不工秦少游說梅聖俞云前史言退
之爲人木強若寡韻可自足而輒旁出窄韻難
獨用而反不出歐公詩話

事類

堯爲唐侯二十以德盛舜爲鰥民二十以孝聞
皮日休鹿門隱書
漢高祖約法三章本紀唐高祖約法十
二條本紀高祖從諫如轉圜梅福傳德宗從善如轉
規崔寧傳高祖從諫如順流班彪王湯從諫如流
訓傳宣帝從諫如流孝宣勵精爲治循吏太宗

勵精思治崔植傳元宗勵精求治魏知古傳德宗勵
情求治通鑑元宗勵精政事本贊文帝吏安其官民
樂其業刑法志宣帝吏稱其職民安其業本贊明帝
吏稱其官民安其業後紀又通鑑明帝史得其人民樂其業光武
渡滹沱河而冰合王霸傳王方翼次葉河而水亦
合唐漢明帝作世祖紀章帝爲顯宗紀職官肅
宗與李泌爲布衣交及卽位事無大小皆咨之
德宗以張涉爲翰林學士事無大小皆咨之

唐代舜殛鯀而用禹周公囚蔡叔而命蔡仲湯

以伊尹遺大甲武王以周公遺成王並無
堦說紂脯
九侯劉恕外紀高祖醢彭越本舜罰弗及嗣大禹文
王罪人不孥孟子三輔吏士東逆更始見劉秀皆
喜曰不圖今日復見漢官威儀通鑑漢淮陽王紀桓溫
伐秦民爭持牛酒迎勞曰不圖今日復覩官軍
通鑑穆示紀楚昭奚恤之對秦使以子西子敖子高
子反爲寶新齊威王之對梁惠王以檀子盼子
黔夫種首爲寶史記田敬仲世家桓公官事無攝告子下
管仲官事不攝八分殷作九市之宮而諸侯畔靈

王起章華之臺而楚民散秦興阿房之殿而天下亂東方朔諫武帝張武受賄文帝更加賞賜以愧其心文帝長孫順德受賄太宗更賜之帛以愧切其心木贊傳魏盧毓選舉先性行而後言才通鑑明帝紀隋牛弘選舉先德行而後文才文帝紀虞不用宮之奇而晉并之萊不用子馬說苑作子猛而齊并之荀子堯問伊尹去夏入殷殷王而夏亡管仲去魯人齊魯弱而齊強劉白苟子後序燔肉不至孔子去魯告醴酒不

誤穆生去楚前漢楚元王傳孔子作春秋而子雲不能算一字辭謝呂氏著春秋而秦人不能勿一字史記呂不韋傳孔子四十不惑語孟子四十不動心孟子夫

子斬少正卯於魯太公戮華士於齊范甯王西漢以揚雄爲東道夫子論東漢以楊震爲關西孔子本晉書傳晉士弱曰國亂無象襄九年牛僧孺曰太平無象本晉書傳穰苴長於正吳起長於奇藝圃折中陳平起於亡命而爲謀主韓信拔於行陳而建上將梅福子產鑄刑書昭趙鞅鑄刑鼎昭十九左思太子上書

沖作三都賦豪貴之家競相傳寫洛陽爲之紙

貴

世說。文招案左司馬遷儒之外五家班固思三都賦無配

司馬遷儒之外五家班固

儒之外八流

盧景亮撰于夏神道碑

賈山涉獵書記前班

超涉獵書傳

後晉東晉

補亡詩六篇

南陔白華黍苗庚

崇丘唐白居易補逸書一篇

湯徵姚鉉以柳子厚

由儀唐神女賦爲序

捫虱新話

孝門銘表爲序蕭統以高唐神女賦爲序

捫虱新話

文選出於蕭統而統自爲之序文粹出於姚鉉

而鉉自爲之序

楚懷王遊高唐夢與神女遇

宋玉高唐賦

楚襄王遊雲夢亦夢與神女遇

宋玉女神賦

衛夫人見王逸少真書云咄咄逼人

法帖

王子敬

見王景仁

名脩隸行書云咄咄逼人

書斷柳家元和

腳

東坡作者劉夢得美子厚之能書也

黃家元手字

祐腳者陳無已紀魯直之善書也

復齋漫錄

董尤爲

作亂之始三苗爲虐刑之始

義即重之子孫

和卽黎之子孫

並無

衛玠神清杜父形清

晉杜傳

解狐舉怨

韓子告犯

舉仇

說通鑑後漢順帝紀

丘子家干法叔敖戮之虞丘子喜

苑說

左雄薦周

張釋之爲

廷尉天下無冤民子定國爲廷尉民自以爲不冤本傳劉寬蒲鞭後崔伯謙皮鞭北史商鞅欲變秦法則立徒木之令以示信史記吳起欲伐秦則立移轍之令以示信魏書虞世南默寫列女傳無一

字謬蔣父誦補侍臣圖贊不失一字並唐魏相奉行故事前侯霸明習故事後范武子光輔五君

文襄靈武景出裴度事四朝憲穆敬文馮道歷五朝三十七年八姓通鑑論扁鵲之見威王以爲病在骨髓史記秦

緩之見晉侯以謂疾在膏肓成公晉負羣賈重一年晉負羣賈重

用盤飧實璧重耳受殮反璧

僖二十三衛人饋叔向

羹頭錦叔向受羹反錦

昭公十三

唐元宗書崔琳等

名覆以金甌本傳唐廢帝書姚頤數人名投琉璃

瓶

五代史

盧

儀狄作酒

夏禹時

戰國策杜康作酒

博物志

孟明焚舟

文

項籍湛船

史記

王莽稱王子喬爲皇祖

叔父唐高祖稱老子爲皇祖

范

唐唐段秀實倒

用司農印

唐

繼岌倒用都統印

五代

趙高指鹿爲馬

秦高德孺指野鳥爲鸞

唐

魏暮議論有祖風

狄兼暮剛正有祖風高焉爲監察彈治不避權

要崔縱爲中丞彈治不避權倖並唐孟軻之母斷機傳列女樂羊之妻斷纖後阮籍知母而不知父雍姬知父而不知夫并新話季子不禮於其嫂買臣見棄於其妻晝錦堂記張巡殺愛妾許遠殺僮奴唐鄧禹子十三人各守一藝後劉殷子七人各守一經晉郭子儀忠貫日月韓仁愿忠貫神明李華韓公廟碑戴胄爲大理卿言若湧泉蘇頤爲中書舍人思若涌泉唐劉寵受一錢後杜暹受紙百番唐崔洪口不言貨財崔遊口不語財利並晉李

弘節以清謹顯既沒之後其家賣珠太宗疑其實貪劉宗龜姻不可干以財既沒之後其家鬻珠翠由是名損廉吏傳屈原有天問柳宗元有天對盧仝作月蝕詩云食月者月中之蝦蟆也梅聖俞作日食詩云食日者三足烏也東坡說孫興公遊天台賦序云天台者蓋山岳之神秀也晉張種與沈炯書虎丘者吳之神秀也陳段維餅熟成一韻詩溫庭筠一餅熟成一韻賦歸田錄揚子雲有逐貧賦韓退之有送窮文淵明有形

神影三首樂天有身心問荅三首少陵有四小
松詩東坡有萬松亭詩聖俞有四禽言子瞻有
五禽言王逸少於書知變韓退之於詩知變陶
侃用法得法外意東坡學書得書外意劉歆七
略古文或誤以見爲典以陶爲陰抱朴子書三
寫以魚爲魯以帝爲虎曹不興爲孫權畫屏風
筆墨誤點因以爲蠅張勃吳錄桓溫使王獻之畫扇
筆誤落因畫作鳥駿牚牛晉田單火牛楊凝然
馬長卿名犬子王修名狗子顏氏家訓雞有五德韓詩

外傳蟬有五德陸雲賦以珠彈雀莊子以玉抵鵠鹽鐵論

江必不食菜心恐傷生意邢峙不食邪蒿惡其

名盧氏新錄退之以磨蝎爲身宮子瞻以磨蝎爲命

宮仇池筆記張敞自請治劇郡漢袁甫自言能作劇

縣晉牛洪稱房暉爲五經廬隋褚遂良稱谷那

律爲九經庫唐公孫景茂博涉經史稱書庫隋

李涪以開元禮及第號周禮庫唐陸澄不能撰

宋書號書厨南李善不能屬辭號書簏唐曹子

建七步魏柳公權三步世說劉德千里駒前李琨

吾家千里駒

唐

五鑿爲正

荀○廣所案荀子哀公篇也舊本誤

蜀六鑿相攘莊子張釋之十年不調前駱賓王十

年不調

上裴侍郎書

馬融十年不得調

後

韋渢十年

不調官

唐張平

忠義天下之大閑

唐忠義傳序

節義天

遇子賦序

後漢平

忠義天下之大閑

唐忠義傳序

節義天

下之大閑

唐草行傳贊

陶潛預爲祭文杜牧自撰墓

志劉恕外記論

芸香辟書蠹

筆談魚石子亦辟書蠹

祕閣

闇陳蕃周舉常相謂曰期月之間不見黃生則

鄙吝之萌復存于心

後漢黃憲傳

陸象先嘗謂人曰

季真賀章字清談風流吾一日不見則鄙吝生矣

唐賀知章傳

履齋示兒編卷十六

去知不足齋叢書

卷之二

